



17-06-2021

[Es/Fr](#) - [Eus](#) - [Occ](#)

CONGRESO TRANSFRONTERIZO

Inteligencia artificial y cooperación transfronteriza: hacia una infraestructura lingüística, inteligente y accesible



Primera chornada en Pau

A primera sesión d'o Congreso Transfronterizo d'o proyecto LINGUATEC, zelebrada en Pau, en o Complexe d'a République, ha reuniu a representans d'alto libel d'as tres luengas en as cualas treballa LINGUATEC: euskera, aragonés y occitano, asinas como d'as entidaz que aconforman o consorzio.

Dezaga d'a obredura d'o congreso por parti d'o coordinador cheneral d'Elhuyar, Jon Abril Olaetxea, y o presidén de Lo Congrès Permanent d'a Lengua Ozitán, Gilabèrt Mercadièr, a chornada ha ofrexiu interesans reflexions sobre temas clau pa l'enfortimiento de luengas minorizadas, fendo espezial fincapiet en a cooperazió transfronteriza, una característica inerén de LINGUATEC. O publico ha seguiu as intervencions vía online, a causa d'a situazió de pandemia.



Exe prenzial: cooperación tranfronteriza

A chornada ha transcorriu arredol d'a importancia d'a cooperación tranfronteriza en as dos mesas retunas zelebradas. Por un costau, Charline Claveau, presidenta d'a Oficina Publica d'a Luenga Occitana; Antton Curutcharry, presidén d'a Oficina Publica d'a Luenga Basca, y José Ignacio López Susín, director cheneral de politica lingüística d'o Gubierno d'Aragón, han tenu como tema "A cooperación europea y tranfronteriza, un marco privilechiau ta lo desembolique dichital d'as luengas pirenaicas".

Por unatro costau, a segunda mesa retuna ha estau protagonizada por representans d'as seis entidaz que aconforman o consorzio LINGUATEC, y han disertau arredol d'a idea d'endrezar-se "Ta un ret d'eszelenzia en intelichenzia artificial ta la construción d'una infraestructura lingüística tranfronteriza en o espazio pirenenno".

A primera chornada d'o congreso tranfronterizo LINGUATEC tamién ha estau o eszenario an ha tenu puesto a siña de l'alcuerdo pa la transferencia d'a conoixenzia chenerada y as tecnolochías desarrolladas entre interpresas y as instituzions sozias d'o consorzio.

Consulta as ferramientas desarrolladas en LINGUATEC

"En l'actualidat, ye nezessario que as luengas goyen de buena salud en l'entorno dichital ta guarenziar o suyo desembolique, y pa ixo ye indispensable que disponen d'os recursos y as ferramientas nezessarias. En os tres años d'andatura d'o proyeuto LINGUATEC emos treballau en o desembolique de tecnolochías d'a luenga que integran intelichenzia artificial que han alzau o libel de dichitalización de l'euskera, pero, sobre tot, de l'aragonés, y de l'occitano. Iste Congreso Tranfronterizo será un puesto de trobada an disertar sobre o

treballo realizau y as lizions aprendidas, y a la suya vegada, marcará l'inizio d'una nueva etapa an continar treballando en a construción d'una infraestructura lingüística transfronteriza".

Josu Aztiria, coordinador d'o proyecto



O proyecto EFA 227/16 LINGUATEC estió aprebau en a segunda convocatoria POCTEFA con un presupuesto de 1.227.500 euros y ye cofinanziau a lo 65% por lo Fondo Europeu de Desembolique Rechional (FEDER) a través d'o Programa Interreg V-A España-Franzia-Andorra (POCTEFA 2014-2020).

[Actualizar os datos de conduta](#) u [anular a conduta](#).

